

四庫全書

子部

鑒宅丕焚焚書殿碑宅宅天幣祇祇張及朽煥灼赤煥
衿校朽煥瓶校荃薰悅狄主用攸裕

大金皇弟都統經畧郎君鸞日疆場無事獵于梁山
之陽至唐乾陵殿廡頽然一無所睹爰命有司鳩工
修飾今復謁陵下繪象一新回廊四起不勝欣懌與
醴陽太守酣飲而歸

時天會十二年歲次庚申仲冬十有四日

尚書職方郎中黃應期 宥州刺史王圭从行奉命

題

右譯前言

郎君稱皇弟無姓名天會十二年記當為太宗之
弟按金史世祖子十一人自康宗太祖太宗而外
尚八人未知誰是碑一字不能辨蓋女直字如是
王元美所錄明王慎德四夷咸賓八字正與此同
法而此凡一百五字后有漢書譯字具錄左方亦
一異也 趙岫跋

--	--	--	--	--	--	--	--

釋氏書

唐釋道世記梵書

淨飯王令密多羅傳太子書太子即初就學將好最妙
牛頭旃檀作於書板純用七寶莊嚴四緣以天種種殊
特妙香塗其背上執持至於毗奢密多羅阿闍黎所而

作是言尊者闍黎教我何書

自下太子廣為說書

或復梵天所說

之書

今婆羅門書止有十四音是

佉盧虱叱書

隋言

富沙迦羅仙人

說書

隋言

阿迦羅書

隋言

瞢伽羅書

隋言

邪寐尼書

隋言

大秦國書

寐亡毗反 鴛渠黎書

隋言

邪那尼迦書

隋言

婆伽羅書

隋言

波羅婆尼書

隋言

波流沙書

隋言

父與書毗多茶

書

隋言

陀毗茶國書

隋言

脂羅佉書

隋言

度其荖那

婆多書

隋言

優波伽書

隋言

僧法書

隋言

阿婆勿陀書

隋言

阿菟盧摩書

隋言

毗邪寐奢羅書

隋言

陀羅多書

鳥瑤

西瞿邪尼書

須彌

阿沙書

疏

支那國書

那書

科

末荼义羅書

中

毗多悉底書

尺

富數波書

婆書

天

那伽書

龍

夜义書

乾闥婆書

天音

阿修羅書

酒不飲迦婁羅書金翅鳥緊那羅書非人摩睺羅伽書天彌伽

迦伽書諸獸音迦迦婁多書鳥音浮摩提婆書淨居天安多黎

叉提婆書虛空天鬱多羅拘盧書須彌北逋婁婆毗提呵書

須彌東烏差婆書舉臙差波書擲娑伽羅書海跋闍羅書

金剛黎伽波羅佉黎伽書住復毗棄多書阿菟浮多書食殘曾

有奢婆多羅跋多書如伏轉伽那那跋多書等轉優差波跋

多書舉轉尼差波跋多書擲轉波陀黎佉書上句毗拘多羅波

陀那地書從二增上邪婆陀輸多羅書增上句末荼婆晒

尼書

中流

黎沙邪婆多波侈比多書

諸山苦行

陀羅尼卑叉梨

書

觀地

伽伽那卑麗叉尼書

觀虛空

薩蒲沙地尼山陀書

一切

藥草

沙羅僧伽何尼書

總覽

薩婆韋多書

一切種音

爾時太子

說是書已復諮密多阿闍黎言此書凡有六十四種未
審尊者欲教我何書是時多羅聞於太子說是書已內
心歡喜悅豫熙怡密懷私慙折伏貢高我慢之心向於
太子而說偈言希有清淨智慧人善順於諸世間法自
已該通一切論復更來入我學堂如是書名我未知其

本悲皆誦持得是為天人大導尊今復更欲覓於師

法梵

珠林

梁釋僧祐論東西書源

昔造書之主凡有三人長名曰梵其書右行次曰佉樓其書左行少者倉頡其書下行梵及佉樓居於天竺黃史倉頡在於中夏梵佉取法於淨天倉頡因華於鳥跡文畫誠異傳理則同矣仰尋先覺所說有六十四書鹿輪轉眼筆制區分龍鬼八部字體殊式惟梵及佉樓為

世勝文故天竺諸國謂之天書西方寫經雖同祖梵文
然三十六國往往有異譬諸中土猶篆籀之變體乎按
倉頡古文沿世代變古移為籀籀遷至篆篆改成隸其
轉易多矣至於旁生八體則有仙龍雲芝二十四書則有
楷草鍼爰名實雖繁為用盖尠然原本定義則體備於
六文適時為敏則莫要於隸法東西之書源亦可得而
畧究也

三藏
說

宋鄭樵論華梵書

諸番文字不同而多本於梵書流入中國代有大鴻臚
之職譯經潤文之官恐不能盡通其旨不可不論也梵
書左旋其勢向右華書右旋其勢向左華以正錯成文
梵以編纏成體華則一音該一字梵則一字或貫數音
華以直相隨梵以橫相綴華有象形之文梵亦有之尾
作厶有尾垂之形縛作彳有纏縛之象華有省文之字
梵亦有之尾本作厚亦省作厶縛本作彳亦省作彳馱
本作𠂔亦省作彳華有同聲而借之字梵亦有之野作

而亦作𠂔𠂔作𠂔而𠂔亦作𠂔華有協聲而借之字
楚亦有之微用𠂔而尾亦用𠂔薩用𠂔而散亦用𠂔華
書有二重之義如舊漢書元元休息下元字只作二石
鼓文嶧山碑重字皆作二楚書一字疊一言重者作一
𠂔三字四字疊三言四言重者亦只作𠂔華書以目傳
故必詳於書楚以口傳如曲譜然書但識其大畧華之
讀別聲故就聲而借楚之讀別音故即音而借如史瑟
同用𠂔者師史使瑟亦商音之和也帝彈同用𠂔者低

底帝彈亦商音之和也娑薩同用亦商音之和誡孽同成是為角音之和

論梵華中

觀今七音韻鑑出自西域應琴七絃天籟所作故從衡正倒轉展成圖無非自然之文極是精微不比韻書但平上去入而已七音之學學者不可不究華有二合之音無二合之字梵有二合三合四合之音亦有其字華書惟琴譜有之蓋琴尚音一音難可一字該必合數字

之體以取數音之文二合者取二體也如娑作𑖦縛作𑖦二合娑縛則取縛之下體以合於娑而為𑖦字如囉作𑖦馱作𑖦曩作𑖦三合囉馱曩則上取囉中取馱下取曩而為𑖦字如悉作𑖦底作𑖦哩作𑖦野亦作𑖦四合悉底哩野則取悉之上體以合於野之下體而包底哩為錯文不必具底哩故其字作𑖦然二合者是雙音合為單音也如雙為者𑖦單為𑖦雙為者與單為諸則雙為娑縛單為索雙為娑𑖦單為薩何不即一索足矣

安用合娑縛一薩足矣安用合娑鞞哉曰華音論讀必以一音為一讀故雖者焉可以獨言旃雖者與可以獨言諸也梵音論諷雖一音而一音之中亦有抑揚高下故娑縛不可以言索娑鞞不可以言薩實有微引勾帶之狀焉凡言二合者謂此音非一亦非二也言三合者謂此音非一非二亦非三也言四合者謂此音非一非二非三亦非四也但言二合者其音獨易言三合四合者其音難轉大抵華人不善音今梵僧呪雨則雨應呪

龍則龍見傾刻之間隨聲變化華僧雖學其聲而無驗者實音聲之道有未至也

論華梵下

梵人別音在音不在字華人別字在字不在音故梵書甚簡只是數箇屈曲耳差別不多亦不成文理而有無窮之音焉華人若不別音如切音之學自漢以前人皆不識實自西域流入中土所以韻圖之類釋子多能言之而儒者皆不識起例以其源流出於彼耳華書制字

極密點畫極多梵書比之實相遼邈故梵有無窮之音而華有無窮之字梵則音有妙義而字無文彩華則字有變通而音無錙銖梵人長於音所得從聞入故曰此方真教體清淨在音間我昔三摩提蓋從聞中入有目根功德少耳根功德多之說華人長於文所得從見入故天不以識字人為賢智不識字人為愚庸

明楊慎論梵篆

唐詩服玩僧收為轉經今人謂寫字為轉經非也西方

之俗凡薦亡以木規圓為二輪象一用梵篆牝書一用
梵篆牡書牝書自內而外牡書自外而內牝輪在下牡
書在上以機而圓轉之所謂三藐母馱也予過雅州見
西僧說如此其文亦有與中國同者如國字从口从犬
作囙者牡文也作囙者牝文也

丹鉛
總錄

製字

吳景帝孫休製四字

吳錄載休詔曰孤為四男作名字太子名暉暉音如湖水
灣灣之灣字酋酋音如迄今之迄次子名寔寔音如
兕觥之觥字昇昇音如玄磬首之磬次子名柜柜音如
草莽之莽字昱昱音如舉物之舉次子名寇寇音如褻
衣下寬大之褻字焚焚音如有所擁持之擁此都不與
世所用者同故抄舊文會合作之夫書八體損益因事

而生今造此名字既不相配又字但一庶易棄避

吳志本傳

唐武后製十九字

則天皇后出新意增減前人筆畫為十九字曰而

天山

地

日

月

星

唐

年

正

臣

臣

臣

臣

臣

臣

臣

國

初

鑒

證

證

王

人

王

王

王

王

王

王

王

天下書契咸用其字然獨能行於一世而止唐之石刻載其字者知其在此則天時也

鄭夾漈論變更

則二

邪音沽罪

右二字秦人以市買多得為

罪舊作臯始

皇以其似皇字改而為罪

武后更造十八字代舊十六字史臣儒生皆謂其草創
無義以臣觀之天作𠂔日作⊙並篆文也年作𠂔正作
𠂔並古文行於世者授古文亦有作𠂔𠂔者國亦有作
𠂔者地籀文或有作𠂔者 崔希裕纂古而作孰謂其
草創而無所本與

六書
畧

六藝之一錄卷二百六十五

欽定四庫全書

六藝之一錄卷二百六十六

錢塘倪濤編

古今書體九十八

遼契丹字

太祖神冊五年正月乙丑始製契丹大字九月大字成
詔頒行之天贊三年詔隆帕克汗故碑以契丹突厥

漢字紀其功

本紀

聖宗統和十三年十一月高麗遣童子十人來學本國

語十四年三月高麗復遣童子十人來學本國語

本紀

義宗名倍太祖長子工遼漢文章嘗譯陰符經

本傳

圖魯卜事太祖見器重及製契丹大字圖魯卜贊成為

多

本傳

耶律羅卜科古太祖從姪也初太祖製契丹國字羅卜科

以贊成成功授林牙監修國史

本傳

耶律成善遼漢文字初契丹醫人鮮知切脉審藥上

命成譯方脉書行之自是人皆通習

本傳

蕭罕嘉努欲帝知古今成敗譯通歷貞觀政要古代史

本傳

遼之初興與奚室韋密邇土俗言語大概近俚至太祖太宗奄有朔方其制雖參用漢法而先世奇善約尼之制尚多存者子孫相繼亦遵守而不易故史之所載官制宮衛部族地理率以國語為之稱號不有注釋以辨之則世何從而知後何從而考耶今即本史參互研究

撰次遼國語解以附其後

遠史國語解

安巴堅服諸小國多用漢人漢人教以隸書之半增損

之作文字數千以代刻木之約

葉隆禮契丹志

金女直字

太祖天輔三年八月己丑頒女直字

本紀

世宗大定四年命頒行女直大小字 大定二十三年

八月以女直字考經千部付點檢司分賜護衛親軍九

月譯經所進所譯易書論語孟子老子揚子文中子劉

子及新唐書上謂宰臣曰朕所以令譯五經者正欲使

女直人知仁義道德所在耳頒行之

本紀

章宗明昌二年諭有司自今女直字直譯為漢字國史院專寫契丹字者罷之 明昌五年正月以頁嚕古紳始製女直字詔加封贈依倉頡立廟蓋屋例祠於上京納爾琿莊歲時致祭三月置弘文院譯寫經書

本紀

熙宗天眷元年正月頒女直小字九月詔百官詰命女直契丹漢人各用本字渤海同漢人皇統五年五月初

用御製小字

本紀

完顏布尹本名古紳金人初無文字國勢日強與鄰國

交好迺用契丹字太祖命希尹撰本國字備制度希尹
乃依倣漢人楷字因契丹字制度合本國語製女直字
天輔三年八月字書成太祖大悅命頒行之賜希尹馬
一匹衣一襲其後熙宗亦製女直字與希尹所製字俱
行用希尹所撰謂之女直大字熙宗所撰謂之小字

本傳

徒單鑑甫七歲習女直字

本傳

納哈塔椿年本名烏頁初置女直字立學官於西京椿年
與諸部兒童俱入學最號警悟久之選諸學生送京師

俾上京教授頁嚕教之椿年在選中

赫舍哩良弼本名羅索天會中選諸路女直字學生送京師良弼與納哈塔椿年皆童丱俱在選中是時希尹為丞相以事如外郡良弼遇之途中望見之嘆曰吾輩學丞相文字千里來京師固當一見乃入傳舍求見拜於堂下希尹問曰此何兒也良弼自贊曰有司所薦學丞相文字者也希尹大喜問所學良弼應對無懼色希尹曰此子他日必為國之令器留之數日年十四為北京

教授學徒常二百人時人爲之語曰前有古紳後有羅索一時學希尹之學業者稱爲第一

本傳

金承遠後凡事欲軼遠世故進士科目兼采宋唐之法而增損之以策論進士取其國人而用女直文字以爲程文斯蓋就其所長以收其用又欲行其國字使人通習而不廢耳

金史選舉志

今文尚書辭多奇澁蓋亦當世之方言也金史所載本國之語得諸重譯而可解者何可闕焉若其臣僚之小

字或以賤或以疾猶有古人尚質之風不可文也國姓
為某漢姓為某後魏孝文以來已有之矣存諸篇終以

備考索

國語
解

張子政充金國生辰使至泗州津亭使副望拜如儀接
伴戎服陪立叉帶銀牌牌樣如方響上有蕃書急速走
遞四字上有御押其狀如主字金法出使皆帶牌有金

銀木之別

宋周輝
北轅錄

元蒙古字

帝師帕克斯巴土番薩斯嘉人足克衮氏也中統元年世祖
即位尊為國師授以玉印命製蒙古新字字成上之其
字僅千餘其母凡四十有一其相關紐而成字者則有
韻關之法其以二合三合四合而成字者則有語韻之
法而大要則以諧聲為宗也至元六年詔頒行於天下
詔曰朕惟字以書言言以紀事此古今之通制我國家
肇朔方俗尚簡古未遑制作凡施用文字因用漢楷及
輝和爾字以達本朝之言考諸遼金以及遐方諸國例各

有字今文治浸興而字書有闕於一代制度實為未備故特命國師帕克斯巴創為蒙古新字譯寫一切文字期於順言達事而已自今以往凡有璽書頒降者並用蒙古新字仍各以其國字副之遂升號帕克斯巴曰大寶法王更賜玉印十一年請告西還十六年卒賻贈有加賜號皇天之下一人之上宣文輔治大聖至德普覺真智佐國如意大寶法王西天佛子大元帝師至治間郡縣建廟通祀泰定元年又以繪像頒行各省為塑像云

必嚕匝納實哩者幼熟輝和爾及西天書長能貫通三藏
暨諸國語大德六年代帝出家皇慶中命繙譯諸梵經
典延祐間特賜銀印授光祿大夫是時諸蕃朝貢表牋
文字無能識者皆令必嚕匝納實哩譯進嘗有以金刻字
為表進者帝遣視之廷中愕眙觀所以對必嚕匝納實哩
隨取案上墨汁塗金葉審其字命左右執筆口授表中
語及使人名氏與貢物之數書而上之明日有司閱其
物色與所譯重譯之書無少差者衆無不服其博識而

竟莫測其何所從授或者以為神悟云所譯經有漢字

西天字西番字

元史釋
老傳

至元十二年分置翰林院專掌蒙古大字以翰林學士
承旨薩廸密廸哩主之十五年詔虎符舊用輝和爾字今
易以國字二十一年勅中書省奏目及文冊皆不許用
輝和爾字今宣命劄付並用蒙古書文宗至順三年命奎
章閣學士院以國字譯貞觀政要鈐板模印以賜百

官

元史

蒙古字法皆梵天迦盧之變也故與佛真言相類重陽萬壽宮元碑皆以蒙古字書其署年月處用雙鉤書如

今世傳飛白字

石墨
鵝華

西夏國書

西夏國其主李元昊自製番書命野利仁榮演繹之成十二卷字形體方正類八分書而畫頗重複教國人紀事用番書而譯孝經爾雅四言雜事為番語

宋史

蒙古國語

蒙古之始並無文書凡發命令遣使往來止是刻指以記之其為使者雖一字不敢增損彼國俗也其俗既朴則有回鶻為鄰每於兩河博易販賣於其國迄文書中自用於他國者皆用回鶻字如中國笛譜字也今二年以來因金國叛亡降附之臣無地容身願為彼用始教之以大書於金國往來却用漢字去年春珙每見其所行文宇猶曰大朝又稱年號曰兔兒年龍兒年自去年方改曰庚辰年今曰辛巳年是也

宋孟珙
古備錄

臨桂俗書

邊遠俗陋牒訴券約專用土俗書桂林諸邑皆然今姑
記臨桂數字雖甚鄙野而偏傍亦有依附音矮不長也

閨音穩坐於門中穩也奎音穩大坐亦穩也仆音嫻小

兒也音動人瘦弱也至音終人亡絕也存音臘不能舉

足也妖音大女大及姊也歪音礪山石之巖窟也門音

攘門橫闕也他不能悲紀余閱訟牒二年習見之大理

國間有文書至南邊及商人持其國佛經題識猶有用

囹字者囹武后所製國字也唐書稱大禮國今其國止

用理字

宋范成大桂海虞衡志

外國書旅葵卷

余於燕中邂逅王太常談諸譯人多精於其國書者乃以旅葵明王慎德至所寶惟賢則邇人安百六十五字令書得九紙為西天女直蒙古高昌回回西番百夷緬甸八百媳婦大約多類籀草而西天獨雄整女直有楷法而小繁複不知其為陳王古紳所製否也因復乞黎

惟敬俞仲蔚周公瑾莫雲卿王舜華陳道易程孟孺管建初輩作篆籀分隸小行大行章草之類以冠之而錢叔寶復為圖系焉余以中國書固稱彬彬八法然自大篆而後會意象形之外亦僅取其適用美觀而已不必盡有書理也諸國於書理無論要亦能用以紀姓名通朝聘而世守之不變異日同文之化成此亦一故事哉乃至竺典所謂造書主三天人曰梵曰迦盧而倉頡顧其少季元二張贊羊皮詔孟浩則曰書契復見科斗文

光弼則曰龍蛇倭見古文字比之以龍蛇科斗亦可謂

善于頌揚者哉

弁州山人葉

外國書

漢安息國書

安息國書革旁行為書記顏師古注云今西方胡國南

方林邑書皆橫行不直下也

漢書西域傳

漢劉向記浮提國書

浮提之國獻神通善書二人乍老乍少隱形則出影聞聲則藏形出肘間金壺四寸上有五龍之檢封以青泥壺中有黑汁如淳漆灑地及石皆成篆隸科斗之字記

造化人倫之始佐老子撰道德經垂十萬言寫以玉牒
編以金繩貯以玉函晝夜精勤形勞神倦及金壺汁盡
二人剗心瀝血以代墨馬遞鑽腦骨取髓代為膏燭及
髓血皆竭探懷中玉管中有丹藥之屑以塗其身骨乃
如故老子曰更除其繁紊存五千言及至經成工畢二
人亦不知所在

說苑

後漢婆羅門書

後漢得西域胡書以十四字貫一切音文省義廣謂之

婆羅門書

隋書經籍志

唐踈勒國書

踈勒國即漢時舊地也有胡書文字

舊唐書西戎傳

唐波斯國書

波斯國在京師西一萬五千三百里文字同於諸胡

舊唐書

書西戎傳

唐盤盤國書

盤盤國在林邑西南人皆學婆羅門書

舊唐書南蠻傳

唐新羅國書

長慶中源寂使新羅國見其國人傳寫諷念馮定所為
黑水碑畫鶴記韋休之使西蕃也見其國人寫定商山
記於屏障其文名馳於戎夷如此

舊唐書
馮宿傳

唐天竺國書

天竺國有文字善步歷學悉曇章安曰梵天法書貝多

葉以記事

唐書西
域傳

唐跋祿迦國書

跋祿迦國字源簡畧本三十餘言轉而相生其流浸廣
粗有書記豎讀其文遞相傳授師資無替

釋玄奘大
唐西域記

唐羯霜那國書

羯霜那國字源二十五言轉而相生用之備物書以橫
讀自左向右文記漸多逾廣宰利

大唐西
域記

唐健馱羅國書

健馱羅國有波你尼仙生知博物研精覃思據據羣言
作為字書備有千頌頌三十二言究極古今總括文書

大唐西
域記

宋占城國書

皇祐二年正月貢表二通一以本國書一以中國書

宋史

宋勃泥國書

太平興國二年其王向遣使齎表以數重小囊緘封之非小國紙類木皮而薄瑩滑色微綠長數尺闊寸餘橫卷之僅可盈握其字細小橫讀之

宋史

宋張栻論南海諸番書

南海諸番書然有好者字畫遒勁如古鍾鼎款識諸國各不同風氣初開時此等事到處皆有開其先者不獨

中國也

南軒文集

西夏番書

西夏李繼遷子德明嘗觀太一金鑑訣野戰歌製番書

十二卷人製字若符篆

遼史

元盛熙明論天竺書

西域有五天竺文字稍異獨以中天竺為正削竹為筆

以貝多樹葉為紙其書廣有六十四種名載釋書諸番
文字雖變遷各殊然其音韻莫不祖述梵音故今日梵
音而不書梵書者以其音律交合而成字載音以導意
非若華文有六義也竊謂字母者猶倉頡之古文也其
音韻會合而成字猶古文孳孕而成篆也其轉變而為
諸番之書者亦猶分隸行草之變也

法書攷

明陶宗儀記外域書

回回字橫行而寫自前抵後復歸於前

日本國於宋景德三年嘗有僧入貢不通華言善筆札
命以牘對名宋照號圓通大師國中多習王右軍書照
頗得筆法後南海商人船自其國還得國王弟與照書
稱野人若愚又左大臣藤原道長書又治部卿源從英
書凡三書皆二王之迹而若愚章草特妙中土能書者
亦鮮能及紙墨尤精左大臣乃國之上相治部九卿之
列也曩余與其國僧曰克全字大用者偶解后於海陬
一禪刹中頗習華言云彼中自有國字字母僅四十有

七能通識之便可解其音義因索寫一過就叩其理其
聯輳成字處髣髴蒙古字法也全又以彼中字體寫中
國詩文雖不可讀而筆執從橫龍蛇飛動儼有顛素之
遺

西洋馬八兒等國人以長細鉛刀右手執用託以左母
指橫刻貝葉為字或暮夜交睫為之迅速精利皆不失
行理即古刀書之流也

流求國職貢中華所上表用木為簡高八寸許厚三分

闊五分飾以髹釳以錫貫以革而橫行刻字於其上其
字體科斗書

真臘國或稱占臘其國自稱曰甘字智元朝按西番經
名其國曰澈浦只盖亦甘字智之近音也尋常文字及
官府文書皆以麕鹿皮以物染黑隨其大小闊狹以意
裁之用一等粉如中國白善粉之類搓為小條子其名
為梭拈於手中就皮畫以成字永不脫落用畢則挿於
耳之上字迹亦可辨認為何人書寫須以濕物揩拭方

去大率字樣正如回鶻字凡文書皆自後向前却不自上書下也或云其字母音聲正與蒙古音聲相類但所不同者兩三字耳

雲南大理國樊人蒙氏保和年間遣張志成學書於唐有晉人筆意故今重王羲之書

康國文字似梵書

已上俱書史會要

仙書

梁陶弘景記仙書

六月二十四日夜紫微王夫人來降因下地請問真靈
既身降於塵濁之人而手足猶未嘗自有所書故當是
卑高迹邈未可見乎敢諮於此願誨蒙昧夫人因令復
坐即見授令書此以答曰夫汎景虛玄無塗可尋言發
空中無物可縱流浪乘忽化遁不滯者也此二行皆浮
沉冥淪儵遷灼寂是故放蕩無津遂任鼓風施存乎虛

舟而行耳故實中之空空中之有有中無象矣至於
書迹之示則揮形紙札文理曷注羸好外著玄翰挺煥
而範質用顯默藻斯坦形傳塵濁苟竊露有骸之物而
得與世進退上玷逸真之詠下虧有隔之禁亦我等所
不行靈法所不許也今請陳為書之本始也造文之既
肇矣乃是五色初萌文章畫定之時秀人民之交別陰
陽之分則有三元八會羣芳飛天之書又有八龍雲篆
明光之章也其後逮二皇之世演八會之文為龍鳳之

章拘省雲篆之迹以為順行梵書分破二道壞真從易
配別本支乃為六十四種之書也遂播之於三十六天
十方上下也各各取其篇類異而用之音典雖均蔚跡
隔異矣校而論八會之書是書之至真而建文章之祖
也雲篆明光是其根宗所起有書而始也今三元八會
之書皇上太極高真清仙之所用也雲篆光明之章今
所見神靈符書之字是也爾乃見華季之世生造亂真
共作巧末趣徑下書皆流尸濁文淫辟之字舍本效假

是踴穢死迹耳夫真仙之人曷為棄本領之文迹手畫
淫亂之下字邪夫得為真人者事事皆盡得真也奚獨
於凡木之麤術淫浮之弊作而當守之而不改玩之而
不遷乎夫人在世先有能書善為事者得真仙之日外
書之變亦忽然隨身而自反矣真事皆邇者不復廢今
已得之濁書方又受學於上文而後重知真書者也鬼
道亦然但書字有小乖違耳且以靈筆真手初不敢下
交於肉人雖時當有得道之人而身未超世者亦故不

敢下手陳書墨以顯示於宇跡也至乃符文神藻所求
所佩者自復始來而作耳所以爾者世人固不能了其
端緒又使吾等不有隱諱耳冥中自相參解矣内外自
相關矣又四極明科高上禁重亦自不聽我等復為世
間常書也我既下手予固不解亦將何趣兩為煩濫邪
此亦當閤其可否殆不足嫌想少暢豁於胸懷盡不自
書之流分矣

真誥運
象篇

宋歐陽修論仙篆

此條詳錄於
後此處應刪

福州永泰縣無名篆在觀音院後山上俗多傳以為仙篆太常博士黃孝立閩人也嘗為予言其山無名上多頑石無復鐫刻之蹟如人以手指畫泥而成文文隨圓石之形環布之如車輪循環莫知首尾又言孝立嘗至廣州見南番人日夕焚香拜金書字號為天篆者正類此然不能曉也

集古錄

仙人許碯書

許碯自稱高陽人也少為進士累舉不第晚學道於王

屋山周遊五嶽於石崖屋壁人不及處題曰許借自峨眉山尋偃月子到此觀筆蹤者莫不歎其神異

續仙傳

吳彩鸞書唐韻

龍興紫極宮寫韻軒世傳吳仙嘗寫韻於此軒以之得名予嘗在圖書之府及好事之家往往有所寫唐韻皆硬黃書之紙素芳潔界畫精整結字遒麗人皆謂之

奇玩也

道園學古錄

仙人呂洞賓書

回先生過湖州東林沈氏飲醉以石榴皮書其家東老

菴之壁

東坡集

大梁景德寺峨眉院壁間有呂洞賓數語字畫飛動如

翔鸞舞鳳非世間筆也

竹坡詩話

仙人白玉蟾書

玉蟾生於海南自號海瓊子或號蟾庵或號武夷散人
或號神霄散史蓬頭跣足一衲弊甚而神清氣爽喜飲
酒不見其醉出言成章文不加點隨身無片紙落筆滿

四方大字草書視之若龍蛇飛動兼善篆隸

史纂
左編

仙人石五仙書

衆妙峯山隱書巖石五仙書可望不可取

約齋燕
遊志

明董其昌記道家書

道家字學詳見於三洞經教部曰本文曰雲篆曰符字
曰八顯曰玉字訣曰皇文帝書曰天書曰龍章曰鳳文
曰玉牒金書曰石字曰題素曰玉字曰玉籙曰文生東
曰玉札曰丹書曰玉策曰福運之書曰琅虬璫文曰白

銀之編曰赤書曰火鍊真文曰金壺墨汁字曰瓊札曰

紫字曰琅簡蕊書曰石碩

書畫
服

方以智論道家書

八龍雲篆玉籀藥書皆道家之書也路史所謂靈書玉
券聖紀所謂金壺墨汁猶之河圖所謂綠圖黃章也

道門大論有三元五德八會成飛天之書紫微夫人說
八龍雲篆是根宗所起曰玉籀曰琅蚪瓊文曰琅簡藥
書曰福運之書曰白銀之編皆無始之文也此等俱後

人所造藥從草又从木復矣路史有靈書八會三洞蒼
元經玉卷曰華言三皇之印也聖紀云浮提國善書二
人出金壺墨汁老君以寫道經河圖云黃帝夢兩龍挺
白圖齋往視之天老跪而授之名曰綠圖一作錄圖舜
以太尉即位黃龍五彩負圖以白玉為檢黃金為繩紫
芝為泥章曰天黃符璽又赤符赤甲青文宛委書言赤
文綠字杜撰何問然賦頌家用之

通雅

神鬼雜書

宋蘇軾天篆記

江淮間俗尚鬼歲正月必衣服箕帚為子姑神或能數
數畫字黃州郭氏神最異予去歲作何氏錄以記之今年
黃人汪若谷家神尤奇以箸為口置筆口中與人問答
如響曰吾天人也名全字德通姓李氏以若谷再世為
人吾是以降焉著篆字筆勢奇妙而字不可識曰此天
篆也與予篆三十字云是天蓬咒使以隸字釋之不可

東坡
續集

宋王得臣記雷書

治平中予令岳州巴陵州有岳陽樓樓上有石刻倒謝
仙火三字其序述慶歷中華容縣一日晦冥震雷已而
殿柱有此太守滕公宗諒子京問永州何仙姑答以雷
部中神昆弟三人並長三尺鐵筆書之

塵史

元郭晦記鬼書

鬼書在聖果寺昔嘗顯於寺僧自稱東漢烈士沈光有

書石刻

至元嘉
本志

明陶宗儀記神書

晉太原中豫章有女巫巫神降之能空中與人言多驗其書類飛白而不真筆勢遒勁莫能傳學或云仙人吳猛

非也

書史
會要

唐逍遙樓楣書

蒲州逍遙樓楣上有唐人橫書類梵字相傳是霓裳譜

字訓不通莫知是非

唐詩
紀事

無名篆

福州永泰縣無名篆石在福州永泰縣觀音院後山
上世俗多傳以為仙篆太常博士黃孝立閩人也嘗
為余言其山無名上多頑石無復鐫刻之蹟如人以
手指畫泥而成文文隨圓石之形環布之如車輪循
環莫知其首尾又言孝立嘗至廣州見南番人以夷
法事天日夕焚香拜金書字號為天篆者正類此然
不能曉也今人亦有以道家之言譯之者曰勤道守

三一中有不死術亦莫知其是非也

六一
題跋

永福縣之東南八十里羅漢寺之仙巖有篆書十形
體竒怪環布巖石不著姓名人所未識號曰仙篆歐
陽公永叔嘗得之喜其無鐫刻之迹如紙畫成文欲
以蕃夷金書字圖號譯之未暇也蔡端明守三山以
道家書釋之曰貧道守真一中有不死術亦莫得其
據政和三年之夏邑宰陳武祐好竒之士也訪求其
詳知篆有三一在安仁寺仙人山寺僧憚墨蠟之費

燎斷而瘞之二在中和寺黃坑之崖今存焉其字皆
奇怪亦不可識安仁者掘而得之僅完三字又於上
生院僧景純得所藏本四餘不復有遂再鋟之木列
巖之堂今間亦有不存者余嘗見碑本字勢天矯洒
落奇妙枝葉不屬而脉絡皆通信是奇怪不知蔡忠
惠觀道家何等書而得之此字恐子雲亦不識也

游宦

紀間

福建莆田縣有自然仙篆以紙摸之形類禹刻在陳

山何翦詩云鳥書蟲文不可識如讀岫嶠神禹碑升庵

外集

陳嵩仙篆石篆字如蟲鳥文在福建興化府城北古今

書刻

仙集留題字

余於吳國華故侯家得漢安元年四月十八日會仙友十三字書法妙甚其事雖未可信然非漢人手筆不能也未審其石在何所亦未見他書載其事存之

以志異聞吳侯以勲封掌國營赫赫一時然被服如
儒生喜與賢士大夫遊家蓄古今石刻最富海內殘
石秘蹟皆多方搜集滄桑後零落都盡余僅得其十
之二三山居清侶實嘉賴之余著四朝人物志向其
後人求取誌石不可得並問其始堂所刻三代古文
亦已矣深可慨也

庚子銷
夏記

六藝之一錄卷二百六十六

欽定四庫全書

子部

六藝之一錄卷二百六十八

詳校官中書臣陸湘

貢外郎_臣牛稔文覆勘

總校官檢討_臣何思鈞

校對官中書_臣陸湘

謄錄監生_臣王宮

欽定四庫全書

六藝之一錄卷二百六十七

錢唐倪濤撰

古今書體九十九

晉衛恒四體書勢

晉書衛恒傳

昔在黃帝創制造物有沮誦倉頡者始作書契以代結繩蓋觀鳥跡以興思也因而遂滋則謂之字有六義焉
一曰指事上下是也二曰象形日月是也三曰形聲江河是也四曰會意武信是也五曰轉注老考是也六曰

假借令長是也夫指事者在上為上在下為下象形者日滿月虧效其形也形聲者以類為形配以聲也會意者止戈為武人言為信也轉注者以老為壽考也假借者數言同字其聲雖異文意一也自黃帝至於三代其文不改及秦用篆書焚燒先典而古文絕矣漢武時魯恭王壞孔子宅得尚書春秋論語孝經時人已不知有古文但謂之科斗書漢世祕藏希得見者魏初傳古文者出於邯鄲淳恒祖敬侯寫淳尚書後以示淳而淳不

別至正始中立三字石經轉失淳法因科斗之名遂效其形太康元年汲縣人盜發魏襄王冢得策書十餘萬言按敬侯所書猶有髣髴古書亦有數種其一卷論楚事者最為工妙恒竊悅之故竭愚思以贊其美愧不足廁前賢之作冀以存古人之象焉古無別名謂之字勢云

黃帝之史沮誦倉頡眺彼鳥跡始作書契紀綱萬事垂法立制帝典用宣質文著世爰暨暴秦滔天作戾

大道既泯古文亦滅魏文好古世傳丘墳歷代莫發
真偽靡分大晉開元弘道敷訓天垂其象地耀其文
天地乃位粲矣其章因聲會意類物有方日處君而
盈其度月執臣而虧其旁雲委蛇而上布星離離以
舒光禾卉萃尊以垂穎山嶽嵯峨而連岡蟲跂跂其
若動鳥飛飛而未揚觀其措筆綴墨用心精專勢和
體均發止無間或守正循檢矩折規旋或方圓靡則
因事制權其曲如弓其直如弦矯然特出若龍騰於

川嶽爾下頽若雨墜於天或引筆奮力若鴻鵠高飛
邈邈翩翩或縱肆阿那若流蘇懸羽靡靡絲絲是故
遠而望之若翔風厲水清波漪漣就而察之有若自
然信黃唐之遺跡為六藝之範先籀篆蓋其子孫隸
草乃其曾玄覩物象以致思非言辭之所宣

昔周宣王時史籀始著大篆十五篇或與古同或與古
異世謂之籀書者也及平王東遷諸侯立政家殊國異
而文字乖形秦始皇帝初兼天下丞相李斯乃損益之

秦罷不合秦文者斯作倉頡篇中車府令趙高作爰歷篇太史令胡毋敬作博學篇皆取史籀大篆或頗省改所謂小篆者或曰下杜人程邈為衙吏得罪始皇幽繫雲陽十年從獄中作大篆少者增益多者損減方者使員員者使方奏之始皇始皇善之出為御史使定書或曰邈所定乃隸字也自秦壞古文有八體一曰大篆二曰小篆三曰刻符四曰蟲書五曰摹印六曰署書七曰殳書八曰隸書王莽時使司空甄豐校文字部改定古

文復有六書一曰古文孔氏壁中書也二曰奇字即古文而異者也三曰篆書秦篆書也四曰佐書即隸書也五曰繆篆所以摹印也六曰鳥書所以書幡信也及漢祭酒許慎撰說文用篆書為正以為體例最新可得而論也秦時李斯號為工篆諸山及銅人銘皆斯書漢建初中扶風曹喜少異於斯而亦稱善邯鄲淳師焉略究其妙韋誕師淳而不及也太和中誕為武都太守以能書留補侍中魏氏寶器銘題皆誕書也漢末又有蔡邕

為左中郎將善篆采斯喜之法為古今雜形然精密閑理不如淳也邕作篆勢云

鳥遺蹟皇頡循聖作則制斯文體有六篆為真形要
妙巧入神或龜文針列櫛比龍鱗紆體放尾長翅短
身頽若黍稷之垂頽蘊若蟲蛇之棼縕揚波振擎鷹
時鳥震延頸脅翼勢欲凌雲或輕筆內投微本濃末
若絕若連似水露緣絲凝垂下端從者如懸衡者如
編杳杪邪趣不方不員若行若飛跂跂翾翾遠而望

之象鴻鵠羣遊駱驛遷延迫而視之端際不可得見
指撝不可勝原研桑不能數其詰屈離婁不能覩其
卻間般倕揖讓而辭巧籀誦拱手而韜翰處篇籍之
首目繁斌斌其可觀摘華艷於紈素為學藝之範先
嘉文德之弘懿愠作者之莫刊思字體之頽仰舉大
略而論旃

秦既用篆奏事繁多篆字難成即令隸人佐書曰隸字
漢因用之獨符璽幡信題署用篆隸書者篆之捷也上

谷王次仲始作楷法至靈帝好書時多能者而師宜官為最大則一字徑丈小則方寸十言甚矜其能或時不持錢詣酒家飲因書其壁顧觀者以酬酒直計錢足而滅之每書輒削而焚其柑鵠乃益為柑而飲之酒候其醉而竊其柑鵠卒以書至選部尚書宜官後為袁術將今鉅鹿宋子有耿球碑是術所立其書甚工云是宜官書也梁鵠奔劉表魏武帝破荊州募求鵠鵠之為選部也魏武欲為洛陽令而以為北部尉故懼而自縛詣

門署軍假司馬在祕書以勤書自効是以今者多有鵠
手跡魏武懸著帳中及以釘壁翫之以為勝宜官今宮
殿題署多是鵠書鵠宜為大字邯鄲淳宜為小字鵠謂
淳得次仲法然鵠之用筆盡其勢矣鵠弟子毛弘教於
祕書今八分皆弘之法也漢末有左子邑小與淳鵠不
同然亦有名魏初有鍾胡二家為行書法俱學之於劉
德昇而鍾氏小異然亦各有其巧今盛行於世作隸勢
云

鳥跡之變乃惟佐隸蠲彼繁文從此簡易厥用既弘
體象有度煥若星陳鬱若雲布其大徑尋細不容髮
隨事從宜靡有常制或穹窿恢廓或櫛比針列或砥
平繩直或蜚蜚繆戾或長邪角趣或規旋矩折修短
相副異體同勢奮筆輕舉離而不絕纖波濃點錯落
其間若鐘簴設張庭燎飛煙蘄巖嵯峨高下屬連似
重臺崇宇層雲冠山遠而望之若飛龍在天近而察
之心亂目眩奇姿譎詭不可勝原研桑所不能計宰

賜所不能言何草篆之足算而斯文之未宣豈體大
之難覩將祕奧之不傳耶俯仰而詳觀舉大較而論
旃

漢興而有草書不知作者姓名至章帝時齊相杜度號
稱善作後有崔瑗崔寔亦皆稱工杜氏殺字甚安而書
體微瘦崔氏甚得筆勢而結字小疎弘農張伯英者因
而轉精其巧凡家之衣帛必書而後練之臨池學書池
水盡黑下筆必為楷則常曰怱怱不暇草書寸紙不見

遺至今世尤寶其書韋仲將謂之草聖伯英弟文舒者
次伯英又有姜孟頴梁孔達田彥和及韋仲將之徒皆
伯英之弟子有名於世然殊不及文舒也羅叔景趙元
嗣者與伯英並時見稱於西州而矜巧自與衆頗惑之
故伯英自稱上比崔杜不足下方羅趙有餘河間張超
亦有名然雖與崔氏同州不如伯英之得其法也崔瑗
作草勢云

書契之興始自頡皇寫彼鳥跡以定文章爰暨末葉

典籍彌繁時之多僻政之多權官事荒蕪勦其墨翰
惟作佐隸舊字是刪草書之法蓋又簡略應時諭指
用於卒迫兼功并用愛日省力純儉之變豈必古式
觀其法象俯仰有儀方不中矩員不副規抑左揚右
兀若竦崎獸跂鳥跂志在飛移狡兔暴駭將奔未馳
或黝黦黼黻狀似連珠絕而不離畜怒怫鬱放逸生
奇或淩邃惴慄若據槁臨危旁點邪附似蜩蟬揭枝
絕筆收勢餘綆糾結若杜伯捷毒看隙緣蟻騰蛇赴

穴頭沒尾垂是故遠而望之摧焉若阻岑崩崖就而
察之一畫不可移幾微要妙臨時從宜略舉大較髣
髴若斯

宋王惛文字志古書三十六種目

法書
要錄

古文篆大篆象形篆科斗篆小篆刻符篆摹篆蟲篆隸
書署書父書繆篆鳥書尚方大篆鳳書魚書龍書騏驎
書龜書蛇書仙人書雲書芝英書金錯書十二時書懸
針書垂露篆倒薤書偃波書蚊脚書草書行書楷書篆

書填書飛白書

張彥遠云未見此書今錄其目

後魏江式論書表

北史江式傳

臣聞庖犧氏作而八卦列其畫軒轅氏興而靈龜彰其
采古史倉頡覽二象之文觀鳥獸之跡別創文字以代
結繩用書契以紀事宜之王庭則百工以敘載之方冊
則萬品以明迄于三代厥體頗異雖依類取制未能悉
殊倉氏矣故周禮八歲入小學保氏教國子以六書一

日指事二曰諧聲三曰象形四曰會意五曰轉注六曰假借蓋倉頡之遺法也及宣王太史籀著大篆十五篇與古文或同或異時人即謂之籀書孔子修六經左丘明述春秋皆以古文厥意可得而言其後七國殊軌文字乖別暨秦兼天下丞相李斯乃奏罷不合秦文者斯作倉頡篇中車府令趙高作爰歷篇太史胡毋敬作博學篇皆取史籀大篆或頗省改所謂小篆者也於是秦燒詩書滌除舊典官獄繁多以趨約易始用隸焉古文

從此息矣隸書者始皇時衙吏下邳程邈附於小篆所作也世人以邈徒隸即謂之隸書故秦有八體一曰大篆二曰小篆三曰刻符書四曰蟲書五曰摹印六曰署書七曰殳書八曰隸書漢興有尉律學復教以籀書又習以八體試之課最以為尚書史書或有字不正輒舉劾焉又有草書莫知誰始考其形畫雖無厥誼亦是一時之變通也孝宣時召通倉頡篇者張敞從受之涼州刺史杜鄴沛人爰禮講書大夫秦近亦能言之孝平時

徵禮等百餘人說文字於未央以禮為小學元士黃門侍郎揚雄採以作訓纂篇及亡新居攝自以運應制作使大司空甄豐校文字之部頗改定古文時有六書一曰古文孔子壁中書也二曰奇字即古文而異者三曰篆書云小篆也四曰佐書秦隸書也五曰繆篆所以摹印也六曰鳥蟲所以書幡信也壁中書者魯共王壞孔子宅而得尚書春秋論語孝經也又北平侯張蒼獻春秋左氏傳書體與孔氏壁中書又類即前代之古文矣

後漢郎中扶風曹喜號曰工篆小異斯法而其精巧自
是後學皆其法也又詔侍中賈逵修理舊文殊藝異術
王教一端苟有可以加於國者靡不悉集逵即汝南許
慎古學之師也後慎嗟時人之好奇嘆俗儒之穿鑿惋
文毀於凡譽痛字敗於庸說詭更任情變亂於世故撰
說文解字十五篇首一終亥各有部居苞括六藝羣書
之詁評釋百代諸子之訓天地山川草木鳥獸昆蟲雜
物奇怪珍異王制禮儀世間人事莫不畢載可謂類聚

羣分雜而不越文質彬彬可得而論也後左中郎將陳留蔡邕採李斯曹喜之法為古今雜形詔於太學立石碑刊載五經題書楷法多是邕書也後開鴻都書盡其能莫不雲集于是諸方獻篆無出邕者魏初博士清河張揖著埤蒼廣雅古今字詁究諸埤廣綴拾遺漏增長字類抑亦於文為益者也然其字詁方之許篇古今體用或得或失矣陳留邯鄲淳亦與揖同時博聞古藝特善倉雅許氏字體八體六書精究閑理有名於揖以書

教諸王子又建三字石經於漢碑之西其文蔚煥三體
復宣校之說文篆隸大同而古字少異又有京兆韋誕
河東衛顗二家並號能篆當時樓觀榜題寶器之銘悉
是誕書咸傳之子孫世稱其妙晉世義陽王興詞令任
城呂忱表上字林六卷尋其況趣附託許氏說文而按
偶章句隱別古籀奇惑之字文得正隸不差篆意忱弟
靜別倣故左校令李登聲類之法作韻集五卷使宮商
角徵羽各為一篇而字文與兄便是魯衛音讀楚夏時

有不同皇魏承百王之季紹五運之緒世易風移文字
改變篆形謬錯隸體失真俗學鄙習復加虛造巧談辨
士以意為疑炫惑於時難以釐改乃曰追來為歸巧言
為辨小兒為翫神蟲為蠶如斯甚衆皆不合孔氏古書
史籀大篆許氏說文石經三字也凡所開卷莫不惆悵
為之咨嗟夫文字者六藝之宗王教之始前人所以垂
後今人所以識古故曰本立而道生孔子曰必也正名
又曰述而不作書曰予欲觀古人之象皆言遵循舊文

而不敢穿鑿也臣六世祖瓊家世陳留往晉之初與從父應元俱受學於衛覬古篆之法埤蒼雅言說文之誼當時並收善譽而祖至太子洗馬出為馮翊郡值洛陽之亂避地河西數世傳習斯業所以不墜世祖太延中皇風西被牧犍內附臣亡祖文威杖策歸國奉獻五世傳掌之書古篆八體之法時蒙褒錄叙列於儒林官班文省家號世業暨臣闇短識學庸薄漸漬家風有忝無顯但逢時來恩出願外得承澤雲津側霑漏潤驅馳文

閣參預史官題篆宮闕猥同上哲既竭愚短欲罷不能
是以敢藉六世之資奉遵祖考之訓竊慕古人之軌企
踐儒門之轍輒求撰集古來文字以許氏說文為主爰
採孔氏尚書五經音注籀篇爾雅三蒼凡將方言通俗
文字埤蒼廣雅古今字詁三字石經字林韻集諸賦文
字有六書之誼者以類編聯文無重複統為一部其文
籀奇字俗隸諸體咸使班於篆下各有區別詁訓假借
之誼各隨文而解音讀楚夏之聲並逐字而注其所不

知者則闕如也脫蒙遂許冀省百氏之觀而周文字之
域典書秘書所須之書乞垂勅給付並學士五人嘗習
文字者助臣披覽書生五人專令抄寫付中書黃門國
子祭酒一月一監評議疑隱庶無訛謬所撰名目伏聽
明旨詔曰可如所請并就太常兼教八分書史也其有
所須依請給之名目待書成重聞式於是撰集字書號
曰古今文字凡四十篇大體依許氏為本上篆下隸

梁庾元威論書

法書
要錄

書字之興由來尚矣沮誦蒼頡黃帝史也周宣王時柱
下史史籀書今六八之法雖存十五之篇亡矣及秦時
丞相李斯破大篆為小篆造蒼頡七章中車府令趙高
造爰歷六章太史胡毋敬造博學七章後人分五十五
章為三蒼上卷至哀帝元嘉中揚子雲作訓纂記滂喜
為中卷和帝永元中賈升郎更續記彥盤音均為下卷皆
是記字字出衙人故人稱為三蒼也夫蒼雅之學儒博
所宗自景純注解轉加敦尚漢晉正史及古今字書並

云蒼頡九篇是李斯所作今竊尋思必不如是其第九
章論籀信京劉等郭云籀信是陳籀韓信京劉是大漢
西土是長安此非識言豈有秦時朝宰談漢家人物牛
頭馬腹先達何以安之江左碩儒相係梁初復有任昉
及沈約悉未有譏駁余忽橫議實不自許敬俟明哲定
其可否而字韻集方言廣雅凡錄字者十有四家許慎
穿鑿賈氏乃奏說文曹產開拓許侯爰成字苑說文則
形聲具舉字苑則品類周悉追悟典墳字弗全體周禮

以難斯為筭纚禮記以相近為襍祈致令衆議叢殘音
辭驕牙蓋繇程邈變隸流傳未一鄭公詩譜頗顯其源
且書文一反草木相從凡五百六十七部合一萬五千
九百一十五字即曰世中所行十分裁一而今點畫失
體深成怪也近有居士阮孝緒撰古今文字三卷窮搜
正典次丹陽五官邱陵撰文字指要二卷精加擷發惟
此兩書可稱妙用余少值明師留心字法所以坐右作
午量字不依義獻妙跡不逐陶葛名方作蕤蕤不數晉

書不循韻集爰以淺見輕述字府自謂此文或均螢露
齊末王融圖古今雜體有六十四書少年崇倣家藏紙
貴而鳳魚蟲鳥是七國時書元常皆作隸書故貽後來
所詰湘東王遣沮陽令韋仲定為九十一種次功曹謝
善勛增其九法合成百體其中以八卦書為一以太為
兩法徑丈一字方寸十言太上止傳可爾鬼書惟有業
殺刁斗出於古器余尋繇乎內典散隸露書終是飛白
意謂此等並非通論今所不取余經為正階侯書十牒

屏風作百體間以采墨當時衆所驚異自爾絕筆惟留
草本而已其百體者懸針書垂露書秦望書汲冢書金
鵲書玉文書鵠頭書虎爪書倒薤書偃波書幡信書飛
白篆古頑書描文書奇字繆篆制書列書日書月書風
書雲書星隸填隸蟲食葉書科斗書署書胡書蓬書相
書天竺書轉宿書一筆篆飛白書一筆隸飛白草古文
隸橫書楷書小科隸此五十種皆純墨璽文書節文書
真文書符文書芝英隸花草隸幡信隸鐘鼓隸龍虎篆

鳳魚篆麒麟篆仙人篆科斗蟲篆雲篆蟲篆魚篆龍篆
鳥篆龜篆虎篆鸞篆龍虎隸鳳魚隸麒麟隸仙人隸科
斗隸雲隸蟲隸魚隸鳥隸龍隸龜隸鸞隸蛇龍文隸書
龜文書鼠書牛書虎書兔書龍草書蛇草書馬書羊書
猴書雞書犬書豕書此十二時書已上五十種皆采色
其外復有大篆小篆銘鼎摹印刻符石經象形篇章震
書到書反左書等及宋中庶宗炳出九體書所謂繅素
書簡奏書牋表書弔祭書行狎書檄書藻書半草書全

草書此九法極真草書之次第焉刪捨之外所存猶一百二十體張芝始作一筆飛白書此於井冊等字為妙所以唯云一筆飛白書則無所不通矣反左書者大同中東宮學士孔敬通所創余見而達之於是座上酬答諸君無有識者遂呼為衆中清閑法今學者稍多解者益寡敬通又能一筆草書一行一斷婉約流利特出天性頃來莫有繼者宗炳又造瑞應靈圖千古卓絕王元長頗加增定乃有虞舜獬豸周穆狡狴漢武神鳳衛君

舞鶴五城九井螺杯魚硯金滕玉英玄圭朱草等凡二百一十物余經取其善草嘉禾靈禽瑞獸樓臺器服可為玩對者盈縮其形狀參詳其動植制一部焉此乃青出於藍而實世中未有復於屏風上作雜體篆二十四種寫凡百名將恐一筆障子凡百屏風傳者逾謬併懷嘆息世本云史皇作圖黃帝臣也其唐虞之文章夏后之鼎象則圖畫之宗焉其後繪事逾精丹青轉妙乃有釘心女痛圖魚獺集敬君以之亡婦王嬙由此失身近

代陸綏足稱畫聖所聞談者一筆之外僅可蟬雀顧長
康稱為三絕終是半癡人耳雜體既資於畫所以附于
書末

齊蕭子良古今篆隸文體

事文
類聚

蕭子良古今篆隸文體有藻書楷書蓬書懸針書垂露
書飛白書填書奠書鴈書虎爪書偃波書鶴頭書象形
篆尚方大篆鳳鳥書科斗蟲書龍虎書仙人書芝英書
十二時書倒薤書龜書麒麟書金錯書蚊脚書凡數十

種皆出於六文八體之書而因事生變者也

唐段成式廣知篇

酉陽雜俎

召奏用虎爪為不可學以防詐偽

詔下用偃波書謝章詔板用螭脚書節信用鳥書朝賀用慎書一曰填書亦施於昏姻

西域有驢唇書蓮葉書節分書大秦書馱乘書犍牛書樹葉書起屍書右旋書覆書天書龍書鳥音書等有六十四種

唐唐玄度論十體書

墨池編

古文 黃帝史倉頡所造頡有四目通於神明觀察衆象而為古文暨嬴氏之代法務徑促隸書是興古文殆絕漢魯恭王壞孔子舊宅得尚書論語孝經皆科斗文字是也又河內女子壞老君屋得古文二篇乃書之秦誓顧命也或絕塵之客高蹈遠遊深巖邃谷丹經秘訣往往遇之今之所傳則其遺文

大篆

周宣王太史史籀始變古文著大篆十五篇秦

焚詩書惟易與此篇得全逮王莽之亂此篇亡失建
武中曾獲九篇章帝時王育為作解說所不通者十
有三暨晉世此篇都廢今略傳字體而已

八分 後漢章帝時上谷人王次仲以古書字形少波
勢始作八分楷法謂有楷法也其後師宜官蔡邕梁
鵠善之故蔡邕勸學篇云上谷王次仲初變古形是
也

小篆 秦丞相李斯妙於篆法乃刪改史籀大篆而為

小篆其銘題鍾鼎及作符璽至今用焉作楷隸之祖
為不易之軌書曰作謨作則其斯之謂也今相承或
曰玉筋篆

飛白 漢靈帝飾理鴻都門時陳留蔡邕撰聖皇篇待
詔門下見役人以墜帚成字心有悅焉歸而為飛白
書漢末魏初並以題署宮閣後有張敬禮隱居好學
獨師邕體備盡其妙

倒薤篆 仙人務光辭湯之禪隱於清泠之陂植薤而

食清風時至見葉交偃象為此書以寫太上紫經三
卷光遂遠遊時人有得之者

散隸 晉黃門郎衛恒巨山之所作也祖覬父瓘皆蟲
篆草隸著名恒幼傳其法兼創造散隸書又著四體
書勢古今稱之

懸針書 曹喜後漢章帝建初中為秘書郎工篆隸著
名尤善懸針垂露之法後代行之以此書題五經篇
目

鳥書 周史官史佚所撰粵在文代赤雀集戶降及武

朝丹鳥流室今此之法是寫二祥者焉以此書題幡
者取其飛騰輕疾也又一說云鴻鴈有去來之信

垂露書 曹喜所創也字如懸針而勢不纖阿那若濃
露之垂蔡邕勸學篇云扶風曹喜建初稱善者也

唐韋續纂五十六種書

書苑
菁華

自三皇以前結繩為政至太昊氏文字生焉字有六文
一曰象形二曰指事三曰形聲四曰會意五曰轉注六

曰假借又曰字有五易倉頡變古文史籀制大篆李斯制小篆程邈制隸書漢代作章草是也其八體者更加刻符摹印蟲書署書及書傳信並大小篆為八體也後漢東陽公徐安于搜諸史籍得十二時書皆象神形也又加二十三體共定五十有六列之於後

一太昊庖犧氏獲景龍之瑞始作龍書

二炎帝神農氏因上黨羊頭山始生嘉禾八穗作八穗書用頒行時令

三黃帝史倉頡寫鳥跡為文作篆書

四黃帝時因卿雲作雲書

五少昊金天氏以鳥紀官作鸞鳳書文章衣服取以為象

六科斗書因科斗之名故飾之以形不知年代或云顓頊高陽氏所製今古文是也

七帝嚳高辛氏以人紀事象仙人形書車器衣服皆為之

八帝堯陶唐氏因軒轅靈龜負圖作龜書

九夏后氏象鐘鼎形為篆作鐘鼎書

十殷湯時仙人務光作倒薤書今薤葉篆是也

十一周文王史佚因騶虞作虎書有虎不害人名騶

虞因此始也

十二周文王時赤雀銜書集戶武王時丹鳥入室以二

祥瑞故作鳥書

十三周法魚書因素鱗躍舟所作一云漢武帝游昆明

池學士陳遵所作

十四填書周媒氏作魏韋誕用題宮闕王廙王隱皆好之

十五大篆書周宣王史史籀所作也亦曰籀篆石鼓文是也

十六複篆因大篆而重複之亦史籀作漢武帝用題建章闕

十七爰書伯氏所職文記笏武記爰因而制之

十八小篆周時所作漢武帝得汾陰鼎即其文也

十九仙人篆古之所有李斯善辨古文字改為篆形也
二十麒麟書魯哀公十三年西狩獲麟仲尼反袂拭面
歎吾道窮矣弟子申為素王紀瑞所製也

二十一轉宿篆宋司馬以熒惑退舍所作也象蓮花未
開形

二十二蟲書魯秋胡婦浣蠶所作亦曰雕蟲篆

二十三傳信鳥跡書六國時書節為信象鳥形也

二十四細篆書李斯摹寫始皇碑序皆用此體亦曰繆篆

二十五小篆書李斯刪古文作也始皇以祈禱名山皆用此書

二十六刻符書烏頭雲脚李斯趙高並善之用題印璽
二十七古隸書秦程邈獄中變大篆所作始皇嘉焉拜
侍御史名徒隸之書今為八分

二十八徒隸之書因程邈幽囚為徒隸書也邈字元岑

二十九署書漢蕭何所作用題蒼龍白虎二闕

三十藁書行草之文也董仲舒欲言災異主父偃竊而奏之晉衛瓘索靖善之亦云相聞之用也

三十一氣候時書漢文帝令蜀郡司馬長卿採日辰禽屈伸之體升伏之勢象四時為書也

三十二芝英書六國時各以異體為符信所製也

三十三靈芝書漢武時有靈芝三莖植於殿前遂歌芝房之曲因述焉又名英芝

二十四金錯書古之錢名周之泉府漢之銖兩刀布所製也

三十五尚方大篆程邈所述後人飾之以為法焉

三十六鶴頭書與偃波書皆詔板所用漢家尺一之簡是也亦名鵠頭

三十七偃波書即版書狀如連文謂之偃波

三十八蚊脚書尚書詔版用之其字體側纖垂下有似蚊脚因而為名

三十九垂露篆漢章帝時曹喜所作也

四十懸針篆亦曹喜所作有似針鋒因而名之用題五

經篇目

四十一章草書漢齊相杜伯度援藁所作因章帝所好

名焉章誕謂之草聖

四十二飛白書蔡邕待詔見門下吏墜帚成字所作

四十三一筆書弘農張芝臨池所製其狀崎嶇有循環

之趣

四十四分書漢靈帝時上谷王次仲所作魏鍾繇謂之章程書

四十五蛇書魯人唐終當漢魏之際夢蛇繞身寤而作之

四十六行書正之小偽也鍾繇謂之行狎書

四十七散隸書衛恒所作跡同飛白

四十八龍爪書晉王右軍所作形如龍爪也

四十九藁及行隸鍾繇變之羲獻重焉

五十晉二王重變行隸及藁體為八體書

五十一草書王羲之飾古亦甚善也

五十二虎爪書王僧虔擬龍爪所作也

五十三鬼書宋元嘉中京口有人震死臂上有篆似八分也今曰雷書

五十四外國胡書阿馬魅王所授其形似小篆

五十五天竺書梵王作涅槃經所謂四十二章經也

五十六花書河東山肩所作

宋僧夢英十八體書

墨池編

古文者黃帝史倉頡之所作

迴鸞篆者史佚之所作

雕蟲篆者魯秋胡妻所作秋胡隨牒遠仕荏苒三年鳴
埵有懷春居多思桑間閒翫集為此書亦云戰筆書
其體道律垂畫纖長旋繞屈曲有若蟲形其狀則玄
鳥優游落花散漫矣

飛白書者後漢蔡邕之所作

薤葉篆者仙人務光之所作

璚珞篆者後漢劉德昇所作因夜觀星宿而為此法特存古之梗槩以見規蹤體類科斗而不真勢同迴鸞而宏遠天假其法非學力之功雖諸家之法悉殊而此書為之首出後漢儒士並皆致學

大篆者周宣王太史史籀之所作

柳葉篆者衛瓘之所作衛氏三世攻書善乎隸體溫故求新又為此法其跡類薤葉而不真筆勢明勁莫能

得學

小篆者秦相李斯之所作

芝英篆者漢陳遵之所作昔六國各以異體之書潛為符信則芝英興焉秦焚古典其文煨滅在漢中葉武帝臨朝爰有靈芝三本植於殿前既歌芝房之曲又述芝英之書

龍爪篆者晉右將軍王羲之遊天台還至會稽值風月清照夕止洞庭吟咏之末題柱作一飛字有龍爪之

形焉遂稱龍爪書其勢若龍蹙虎振拔劍張弩

懸針篆者漢章帝郎中扶風曹喜之所作抽其勢有若
針之懸鋒芒故曰懸針河洛遺誥云懸針之書亦出
曹喜小篆為質垂露為紀題署五經印其三史以為
楷則傳芳千祀

籀文者亦史籀之所作

雲書者衛恒之所作軒轅之代慶雲常見其體郁郁紛
紛為紀職文字典取諸象書品云衛恒書筆動若飛

字張如雲莫能傳學

填篆者周之媒氏以仲春之月判會男女則以此書表
信往來及魏明帝使京兆韋仲將點定芳林苑中樓
觀王廙王隱皆云字間滿密故云填篆亦云芳填書
至今圖書印記並用此書

剪刀篆者韋誕之所作亦曰金錯書本古之錢名周之
泉府厥跡不存降茲以還其文可覩若漢之銖兩新
之刀布今具存焉其為體狀若麗匣盤龍新臺舞鳳

自後史游造其極焉

科斗篆者其流出於古文尚書序費氏注云書有二十法科斗書是其一法以其小尾伏頭似蝦蟇子故謂之科斗

垂露篆者曹喜之所作以書表章奏事謂其點綴如輕露漢章帝常重此書懸帳內謂曰曹喜之書如金盤瀉珠風篁雜雨八分玄妙一字千金矣

六藝之一錄卷二百六十七